

人物志五 目錄

南豐縣志二十七

國朝三

劉斯崐

湯藩

劉衡

譚光祐

湯世培

魯垂紳

趙鏞

趙德隣

雷文模

劉澣

吳光業

劉良駒

吳承祖

劉煜

湯雲松

湯椿

揭垂奎

李文瀛

吳嘉賓

吳嘉言

譚祖同

譚祖勳

劉慶

揭裕文

趙晉楨

包敬政

羅中錦

劉斯增

趙淵

子德輿

劉國觀

黃應昀

子世馨

劉廷瑗

子纘

趙成

趙宜槐

譚霖

鄒希孟

劉敘

趙銓

劉玉麟

子金鑑

趙秉煌

趙惟崐

劉向榮

鄒均

胡謙

黃士錦

劉斯祚

蕭炘

周珪

吳榮祖

李覺

鄧林

黃淦

周傳旦

張廣瑯

張廣理

曾性匯

李登

李銓

趙德璋

子晨

周世

揭啟鳳

子垂帶

彭應連

雷文海

湯行素

江世魁

嚴安

熊攸福

熊光萼

吳書燃

吳家榮附

趙宜芑

饒安虔

饒瑞生

劉乃珠

吳世峻

曾律

周世倬

張光亮

黃世馥

彭應琪

饒孟榮

子世賢

李光祐

吳學愈

周來祿

湯家相

饒鵬程

趙映南

趙惟煥

劉其鍾

趙秉煦

子德堅

周來豫

黃南

吳嘉禾

趙貞

五號

黃樹蕃

謝祖濂

李玉芳

劉良寅

趙從僖

儲炳

邱尙忠

蕭宗濤

曾輝

劉芹

譚其彬

周芳藝

賴揖人

林有光

揭廷夔

孫垂謙

吳模

胡林

子元吉
孫廷耀

揭殿賡

子鏡人

吳昌籌

吳嘉文

人物志五

南豐縣志二十七

國朝三

劉斯崑字眉生侍郎斌子嘉慶辛未進士改庶吉士散館授編修兩充順天鄉試分校一充己卯河南典試轉御史簡放陝西西安府知府向無京官外簡首郡之例斯崑受宣廟特達之知實自此始五六年間由郡守升方伯其官陝西鹽道也白疆吏奏請疏鑿涇渠俾涇陽醴泉三原高陵四縣民田六萬餘畝復灌溉之利官甘肅安肅道也制府奏調西甯審訛番案嚴緝得贖寬威並濟其後未煩一兵而青海畏服官安徽山東按察使也

召見時以臬司爲刑名總漚不

可枉不可縱之訓故每有矜疑輒反覆研鞫多所平反
積案爲之一清官山東布政使也建儲裕倉定章程俾
通省皆仿成式齊東三郡歲饑詳明奏請借糶兼施又
出貲倡捐厥後官民捐者至數十鉅萬全活人無算斯
峩自居史職勸學問留心當世之務及任方面遷兩司
務以實心行實政任山左旬宣最久爲政始終如一內
明作而外渾厚故當時無赫赫名比身後屬吏士民莫
不思之至請爲之俎豆蓋其盛德感人卓然有古大臣
風節奉 旨入祀山東名宦祠葵三十九都石潞子
績廩貢生繁湖北候補知府緒刑部郎中

湯藩字西樵乾隆丁未進士戶部主事遷員外郎嘉慶

戊午充河南副考官辛酉春

上顧侍郎英和曰三

江爲人文淵藪將使爾掌文衡仍得一精衡鑑者爲副
方能拔擢無遺是歲英公有江南主考之命副之者
乃藩也其特受主知如此旋督安徽學政出爲廣西知
府調桂林首郡陞江蘓糧道署江甯江蘓布政使江蘓
按察使致仕歸卒葬南門外九都杉山子雲楷官直隸
藩經歷雲松椿有傳

劉衡字簾舫由副貢生起家縣令歷任廣東四會博羅
新興四川墊江梁山巴縣等縣陞縣州直隸州知州保
甯成都府知府河南開歸陳許道衡學務經世明察敏
事爲治有方畧尤嗜尋繹律義粵四會多盜衡仿古農

兵之制爲團練壯丁法盜遂戢捕得會匪籍人數多亟
焚之擒其渠魁治如律博羅城鄉故設徵糧店戶民苦
繇重衡到卽撤之邑多自戕案豪役維持之衡察實立
釋誣濫嚴懲主使者民不復輕死其官蜀治一如粵梁
山歲苦旱衡相地修築塘堰延亘數十里民利賴之巴
號首劇訟繁役多衡到悉遣之墊江梁山民哀大府乞
暫借劉公蜀中有劉青天劉大鑷之名嘗懸鉅署前許
民擊之以聞卽爲斷治不假書役以爲官民阻隔皆緣
門丁書役故厯任不用門丁嘗拈官須自作四字爲僚
屬再三言之有事於鄉不携僕從民訟就近鞠之其緝
盜令民自捕賦稅示以期令民自納他如道憲創義學

置義田行保甲禁嫁聚喪葬侈靡爲式頒行善政尤多
爲郡守巡道時屬吏化之然終以爲不若爲牧令之得
一意民事也卒後四川墊江梁山巴縣廣東博羅均奉
旨入名宦祠同治五年奉

旨編入 國史循吏列傳所著庸吏庸言蜀僚問答讀
律心得六九軒算書五種及小學書行世葬七都下源
堡子五人良驥良騫皆以弟良駒官馳封良駒有傳良
駒陝西商州直隸州知州良馴副貢

譚光祐字鐵簫尚忠五子幼聰穎能文屢試不第以國
子生爲府通判分發四川歷任重慶夔州通判敘州馬
邊同知總辦金川屯田署潼川府遷湖北歸州知州擢

湖南寶慶府知府其在金川練習積貯召各部落示以
威信約月之朔望庭謁聽處分教夷酋子弟騎射誦讀
眾皆畏服敘州所屬古龍湖地獮夷雜處乃稽核維謹
終其任夷無敢與民鬪訟者寶慶素號健訟閱其詞率
鄙野蹙然曰是以健訟聞冤矣亟擒治奸猾六人遂翕
然喜屬吏廉潔安善不尚武健尋與大吏齟齬屹不動
而治績日著素勤吏事雖病篤未嘗稍廢遂以勞悴卒
於官光祜少負文采官蜀時間樂文酒領郡則悉罷之
曰致用在此時矣著有鐵簫詩藁子祖同祖勲有傳祖
鈞優貢祖慶江蘇知縣祖訓刑部員外郎

湯世培字植齋嘉慶己巳進士選山東昌邑調滕縣再

調厯城陞武定知府性坦直天真爛熳見者親之宰滕
日河帥以糧艘過境沿堤多民居礙牽挽路下令山東
江南兩省糧艘經過地方沿河民居概行折毀世培上
書千言備陳窮黎疾苦令遂止民感其德於夏鎮大王
廟立木主尸祝之任厯城入

覲蒙

召見垂詢

甚悉回任未幾超擢知府均當時所創見者引疾歸主
講豫章及本邑書院卒葬三十八都京灘子臣萊孫兆
禧皆舉人

魯垂紳字服齋嘉慶乙丑進士改庶吉士散館授編修
補御史陞給事中京察外擢山東督糧道任十年卒於
官自少勤苦勵學歲除夜讀書不輟通籍入詞館文名

藉甚兩充順天鄉試分校居臺諫有直聲建言皆當世
要務先後巡視東城西城嚴察奸宄每寒更深夜民間
聞車聲麟麟謂可安枕無恐也巡漕天津及爲監司皆
專任漕運事剔弊恤丁綱紀井井常從容淡靜不隨俗
俛仰雅善人倫不爲危言覈論愛才若渴處事必誠
天子嘉之爲真讀書人吏士謁見者退而歎爲盛德君
子也葬三十二都水口堡子鏞光官知州琪光庶吉士
瑜光廩生孫宗憲舉人

趙鏞字少愚由倂曾孫初籍諸生時卽謁資葬其先人
三世刻苦厲學丙戌成進士改庶吉士散館改刑部主
事屢隨部長官往陝西四川山西讞事皆倚重之遷員

外郎京察授福建漳州府知府調福州府擢湖北漢黃
德道署按察使授廣東監運使咸豐癸丑卒鏞在刑部
日久精研律例總辦秋審加意詳慎故外任率無冤獄
漳州民俗强悍習械鬪鏞恩威並用風稍息道光辛丑
英夷陷廈門逼近海澄亟馳赴守禦設伏兵以疑之夷
乃卻退任福州日數平反盜案處分夷民爭譽民尤德
之湖北多水患捐貲助賑以活災黎其任廣東運使也
鹺商疲弊而軍需孔亟大府以嚴繩之鏞洞悉商困濟
之以寬爲剔其利弊而課餉卒充喜施與立義田置祭
產倡捐建義倉賑卹族黨無虛日卒葬五十三都三坑
塋社山子惟潞福建候補直隸州惟濂兵部郎中惟潞

三品廕生從興

趙德潏字子白雲南布政使宜喜孫道光壬辰二甲弟
一進士庶常散館授編修奏辦院事乙未會試分校秋
典廣東試出爲揚州府陞江蘇蘇松道江蘇按察使左
遷山東兗沂曹道德潏自少席貴盛獨儉約謙抑異於
羣從讀書外無他嗜策名後不改其素衡文所錄皆知
名及寒畯外任厯勤於職絕賞緣奔競風惜年未五十
遽卒

雷文模字簡峰福州守維霈仲子嘉慶丁丑與弟致亨
同榜進士改庶吉士散館授編修濶達明敏下筆千言
談論風雅後進樂就之詞館二十年 簡放揚州府

知府以足疾謝內擢詹事府右中允乞退數年卒

劉澐字舊村斯禧次子道光己丑進士吏部主事升員外郎河南南汝光道初觀政銓曹供職勤勉鄙世俗取巧積習以誠樸自矢長官器之薦異等 召對稱旨

不帀月以員外特簡觀察蓋異數也持躬儉謹生平無過失事母孝爲諸弟完宿逋贖田產母卒歸遂不出

吳光業字補之森曾孫道光壬辰進士改庶吉士散館改刑部主事補軍機章京大學士王文恪公辦理祥符河工以光業從工竣 賞戴花翎遷員外郎郎中官至內閣侍讀學士道光三十年省墓回里咸豐初粵逆踞金陵江西鄱縣戒嚴前中丞陳公啟邁侍郎李公道生

奏光業專辦建昌府屬團練乃歷五縣招募訓練無

虛日土匪不敢竊發民賴以安光業官樞曹十餘年家
無餘橐嘗典貂裘以充軍餉有毀家紓難之風遂以勞
瘁卒同治七年奉旨贈太僕寺卿銜並廕一子入

監公車時嘗依山左某中丞幕值巨盜案發多所株連
爲請得全活無算論者以爲陰德必獲報也晚歲家居
每衣大布衣行里巷見者初不識爲顯宦性孝友幼事
父母有至行期昆弟及戚黨賴以存活者甚眾子金
鑑贛州訓導金輅兵部郎中

劉良駒字星方衡子道光己丑進士翰林院庶吉士改
戶部主事遷員外郎歷任江南道御史兵科禮科給事

中鴻臚寺少卿官至兩淮鹽運使道光初淮南鹽法浸
弊良駒官御史首以淮南推廣票鹽爲請又以河工浸
蝕耗費請議裁減又紋銀出洋太多爲吏人坐耗中國
之術請設法以阻之論者以所奏俱係 國家大計非
苟塞言責者矣其任兩淮也裁浮費減成本改小包招
商販而儀徵設棧尤便商民故鹺務大振 國課賴之
會粵逆陷金陵大帥策失機宜揚州不守遂獲譴統兵
大臣琦善德興阿先後奏留司文案數年乃歸主琴臺
書院講席爲邑中等辦賑濟設施有方先是道光辛丑
壬寅間良駒居親喪在籍常思范文正不以一身之戚
忘天下之憂一語倡修書院以培士氣改建豐豫義倉